

## Paerewa Paetae

<b>Aronga</b>	Tikanga ā-lwi 3.8		
<b>Ingoa</b>	Te tātari i te panonitanga o ngā tikanga Māori		
<b>Kaupae</b>	3	<b>Whiwhinga</b>	4
		<b>Aromatawai</b>	Ā-roto
<b>Marau akoranga</b>	Te Marautanga o Aotearoa		
<b>Kokonga akoranga</b>	Tikanga ā-lwi		
<b>Mana rēhita</b>	Kua rēhitatia	<b>Te rā i mana ai</b>	17 Whiringa-ā-rangi 2016
<b>Te rā e arotakengia ai</b>	31 Hakihea 2019	<b>Te rā i puta ai</b>	17 Whiringa-ā-rangi 2016

### Te Hononga ki te Marautanga

I ahu mai tēnei paerewa paetae i te Taumata 8 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Matua

*Te Whakaritenga Pāpori me te Ahurea*

*I roto i te whenu o Te Whakaritenga Pāpori me te Ahurea ka whakawhanake mōhiotanga te ākongā ki:*

- *ngā motika, ngā tūranga me ngā haepapa o te tangata i a ia e pāhekoheko ana i waenga rōpū.*

### Whāinga Paetae

*Tikanga ā-lwi*

8.2 *Ka whakaawe te āhua o te whakahou i ngā motika, ngā tūranga me ngā haepapa o te takitahi me te hapori, ā, ka whakaawe anō hoki ngā motika, ngā tūranga me ngā haepapa o te takitahi me te hapori i te āhua o te whakahou.*

E hono ana ki te Papa Whakaako mō te Tikanga ā-lwi kei te pae tukutuku nei:

<http://tmoa.tki.org.nz/Te-Marautanga-o-Aotearoa-Taumata-Matauranga-a-Motu-Ka-Taea>

### Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa-Taumata-Matauranga-a-Motu-Ka-Taea>

**Paerewa Paetae**

<p><b>Paetae</b> Te tātari i te panonitanga o ngā tikanga Māori.</p>	<p>Hei tohu i te paetae:</p> <ul style="list-style-type: none"> <li>• Ka matapaki i te āhua o ngā tikanga Māori o mua, o āiane hoki, i roto i tētahi horopaki.</li> <li>• Ka matapaki i ngā take i whakarerekēhia ai ētahi tikanga.</li> <li>• Ka whakaputa whakaaro mō te āhua o ngā tikanga Māori o anamata, ka taunaki ai.</li> </ul>
<p><b>Kaiaka</b> He kaiaka te tātari i te panonitanga o ngā tikanga Māori.</p>	<p>Hei tohu i te kaiaka:</p> <ul style="list-style-type: none"> <li>• Ka mātau te whakaputa whakaaro mō te āhua o ngā tikanga Māori o anamata.</li> <li>• Ka matapaki i ngā hua wā poto, hua wā roa o ngā panonitanga, ka āta taunaki ai.</li> </ul>
<p><b>Kairangi</b> He kairangi te tātari i te panonitanga o ngā tikanga Māori.</p>	<p>Hei tohu i te kairangi:</p> <ul style="list-style-type: none"> <li>• Ka tino mātau te whakaputa whakaaro mō te āhua o ngā tikanga Māori o anamata, tae atu ki ngā āhua o roto, o waho hoki e whakarerekēhia ai ngā tikanga.</li> <li>• Ka matapaki i ngā hua whānui e puta mai i ngā panonitanga, me ngā urupare ka taea ki aua hua.</li> </ul>

**Kōrero Āpiti**

1. E whai ake nei ngā whakamārama o ngā tino kupu, kīanga rānei:

te panonitanga o ngā tikanga Māori	Te rerekē haere o ngā kawenga, ngā haepapa, ngā tūranga tangata, ngā rawa, te pūtake me te mana o te tikanga Māori.
ngā hua wā poto me ngā hua wā roa	<p>Hei tauira, ko:</p> <ul style="list-style-type: none"> <li>• te tōtara-wāhi-rua o te hapū, iwi rānei, i roto i tētahi kaupapa</li> <li>• te whairawa/rawakore rānei</li> <li>• te panonitanga o ngā tūranga tangata i runga i te marae</li> <li>• te kawenga atu o ngā tikanga Māori ki horopaki kē atu, hapori kē atu rānei</li> <li>• te whanaketanga o ngā tikanga hou e hāngai ana ki ngā āhuatanga o te ao hurihuri nei</li> <li>• te hekenga o te tangata ki wāhi/whenua kē atu</li> <li>• te whakawhanaketanga o te mātāuranga hou.</li> </ul>
ngā hua whānui	Ngā hua ka whakaarohia, engari kāore tonu i āta kōrerotia. Tēnā pea he hua taiao, hua pāpori, hua ohaoha, hua hītori, hua matawhenua, hua tōrangapū, hua whaiaro rānei.
ka taunaki ai	Me rapu ngā kōrero tautoko i te horopaki e tika ana, e whai mana ana hoki ki te rōpū e kōrerotia ana, inarā ngā kōrero e pā ana ki ngā whakapono me ngā mātāpono o taua rōpū.

ka āta taunaki ai	<p>Ka whakamahi i ngā kōrero tautoko whānui hei taunaki i te whakatau whakaaro. Hei tauira, ko:</p> <ul style="list-style-type: none"> <li>• te uiui tāngata</li> <li>• ngā tuhinga hītori</li> <li>• ngā pūrongo moheni, nūpepa rānei</li> <li>• ngā raraunga</li> <li>• ngā waiata tawhito.</li> </ul>
ka tino mātau te whakatau whakaaro	<p>He āta tuitui kōrero i runga i te aronga hou, i te aronga auaha, he tūhura i ngā pānga rehurehu, he whakamahi i ngā pūkenga whakaaro ikeike pērā i te whakahiato whakaaro.</p>
āhua o roto, o waho hoki	<p>Ngā āhuetanga nō roto mai, nō waho rānei i te ao Māori, e pā ana ki ngā tikanga Māori. Hei tauira:</p> <ul style="list-style-type: none"> <li>• ngā kaupapa here/ture a te kāwanatanga, hei tauira, ngā ture mahi haumarū</li> <li>• ngā aronga ā-iwi</li> <li>• te nui/iti rānei o ngā rawa/rauemi</li> <li>• te matemate haeretanga o ngā kaumātua matatau ki ngā tikanga.</li> </ul>
ngā urupare	<p>He urupare kaupare i ngā panonitanga, he urupare e taunga haere ai rānei te iwi ki aua panonitanga. Hei tauira:</p> <ul style="list-style-type: none"> <li>• te haere ki ngā wānanga (kura reo, mau rākau, whatu wahakura)</li> <li>• te tuku i ngā tamariki ki ngā whare kōhungahunga</li> <li>• te whāngai a ngā tūpuna i ngā mokopuna</li> <li>• te whakahaere kaupapa whakatairanga, kaupapa whakawhitiwhiti kōrero, whakanui, pērā i ngā hui ahurei me ngā mahi rēhia a te iwi</li> <li>• te whakatūnga o ētahi rōpū Māori, māngai Māori rānei, hei tauira, ko Te Kaunihera Māori, te Manukau Urban Māori Authority (MUMA), ngā tūnga Māori ki ngā kaunihera ā-rohe, ki te whare pāremata hoki</li> <li>• te whakarite kaupapa atawhai, hei tauira, ko Whānau Ora, Parents as First Teachers (PAFT)</li> <li>• te whakatū papa kāinga</li> <li>• te mautohe/porotēhe, hei tauira, ngā hīkoi, ngā mahi toi, te mātākōrero, te mātātuhi.</li> </ul>

Kuputaka:  
mātākōrero  
mātātuhi

oral literature  
written literature

**Tātari Kounga**

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233